



Broj: 02-23-392-3/18
Fojnica: 09.04.2018. godine

Na osnovu člana 64. Stav 1. tačka b), člana 70. stav 1. 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Fojnica („Službene novine Općine Fojnica“, broj: 4/08), a u vezi s preporukom Komisije za javne nabavke, imenovane Rješenjem Općinskog načelnika broj: 02-34-96/18 od 24.01.2018. godine, načelnik Općine Fojnica, **d o n o s i**

ODLUKU **o izboru najpovoljnijeg ponuđača**

Član 1.

Dodjeljuje se ugovor za javnu nabavku usluga Održavanje i proširenje postojećeg sistema javne rasvjete sa ugradnjom na području općine Fojnica ponuđaču „ESTA“ d.o.o Busovača, ID broj: 4236022960006, ponuda broj: 81/2018 od 02.04.2018. godine za ponudenu cijenu od **29.151,72 KM** (dvadesetdevet hiljad i jedinstotin i pedesetjednu 72/100 KM) sa uračunatim PDV-om.

Član 2.

Ponuđač iz člana 1. ove odluke ocijenjen je kao najpovoljniji, jer ispunjava uslove postavljenje tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu. Prijedlog ugovora o nabavci dostavit će se na potpis gore izabranom ponuđaču.

Član 3.

Ova odluka objavit će se na web stranici Općine Fojnica, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama BiH.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke usluga Održavanje i proširenje postojećeg sistema javne rasvjete sa ugradnjom na području Općine Fojnica, proveden je putem konkurentskog zahtjeva broj: 02-23-392/18 od 20.03.2018. godine.

Obavijest o javnoj nabavci broj: 546-7-2-7-3-8/18, kao i tenderska dokumentacija objavljena je na Portalu javnih nabavki 20.03.2018. godine.

Tenderskom dokumentacijom predviđena je namjera provođenja E-aukcije.
Tendersku dokumentaciju preuzelo je osamnaest (18) privrednih subjekata
Ponude za predmetnu nabavku blagovremeno su dostavila dva (2) ponuđača:

- ESTA doo Busovača i
- Sector Security doo Banja Luka.

Konkurentskim zahtjevom za dostavu ponuda utvrđen je kriterij dodjele ugovora za javnu nabavku, usluga „Održavanje i proširenje postojećeg sistema javne rasvjete sa ugradnjom na području općine Fojnica“, a to je najniža cijena tehnički zadovoljavajuće ponude.

Komisija za javne nabavke Općine Fojnica, imenovana Rješenjem Općinskog načelnika broj: 02-34-96/18 od 24.01.2018. godine, izvršila je pregled i ocjenu ponuda, te konstatovala da su ukupno pristigle dvije (2) ponude, jedna (1) ponuda, ponuda ponuđača ESTA doo Busovača, ispunjava uvjete definisane Tenderskom dokumentacijom i ista je prihvatljiva dok ponuda ponuđača Sector Security doo Banja Luka ne ispunjava uvjete definisane Tenderskom dokumentacijom i ista je ocjenjena kao neprihvatljiva.

Ponuda ponuđača Sector Security doo Banja Luka je odbačena i neprihvatljiva iz razloga što nije dostavio dokaz da ima:

- najmanje dva (2) zaposlena diplomirana inženjera elektrotehnike, odnosno magistra sa završenim drugim ciklusom Bolonjskog sistema obrazovanja iste struke, sa tri (3) godine radnog iskustva, (nije dostavljen dokaz za najmanje dva (2) inženjera elektrotehnike..., dostavljen je dokaz-diploma samo za jednog (1) inženjera elektrotehnike...)
- da ima najmanje jednog (1) zaposlenog diplomiranog inženjera mašinstva, odnosno magistra sa završenim drugim ciklusom Bolonjskog sistema obrazovanja iste struke, sa tri (3) godine radnog iskustva (nije dostavljen dokaz, ovjerena kopija diplome inženjera mašinstva...)

Naime, Tenderskom dokumentacijom, tačka 3.3. Tehnička i profesionalna sposobnost – član 51. definirano je sljedeće:

„Da bi učestvovao u konkretnom postupku javne nabavke, ponuđač mora ispunjavati sljedeće minimalne uslove tehničke i profesionalne sposobnosti:

b) Obrazovne i profesionalne kvalifikacije pružaoca usluga i kvalifikacije njegovog rukovodnog osoblja, naročito kvalifikacije lica koja su odgovorna za pružanje usluga predmetnog ugovora kako slijedi:

Da u radnom odnosu ima najmanje dva (2) zaposlena diplomirana inženjera elektrotehnike, odnosno magistra sa završenim drugim ciklusom Bolonjskog sistema obrazovanja iste struke, sa tri (3) godine radnog iskustva i položenim stručnim ispitom

Da u radnom odnosu ima najmanje jednog (1) zaposlenog diplomiranog inženjera mašinstva, odnosno magistra sa završenim drugim ciklusom Bolonjskog sistema obrazovanja iste struke, sa tri (3) godine radnog iskustva i položenim stručnim ispitom.

Za obrazovne i profesionalne kvalifikacije iz tačke 3.3. pod b) TD potrebno je dostaviti sljedeće dokaze:

- za diplomiranog inženjera elektrotehnike, odnosno magistra sa završenim drugim ciklusom Bolonjskog sistema obrazovanja iste struke sa tri (3) godine radnog iskustva i položenim stručnim ispitom dostaviti ovjerenu kopiju diplome o završenom fakultetu, ovjerenu kopiju uvjerenja o položenom stručnom ispitu, te original ili ovjerenu kopiju PIO/MIO o zaposlenju, odnosno original ili ovjerenu kopiju ugovora o djelu ne stariju od tri (3) mjeseca računajući od dana dostavljanja (pod danom dostavljanja ponude smatra se dan/datum koji je ugovorni organ odredio u Tenderskoj dokumentaciji kao dan/datum za prijem ponuda),

- za diplomiranog inženjera mašinstva, odnosno magistra sa završenim drugim ciklusom Bolonjskog sistema obrazovanja iste struke sa tri (3) godine radnog iskustva i položenim strunim ispitom dostaviti ovjerenu kopiju diplome o završenom fakultetu, ovjerenu kopiju uvjerenja o položenom stručnom ispitu, te original ili ovjerenu kopiju PIO/MIO o zaposlenju, odnosno original ili ovjerenu kopiju ugovora o djelu ne stariju od tri (3) mjeseca računajući od dana dostavljanja (pod danom dostavljanja ponude smatra se dan/datum koji je ugovorni organ odredio u Tenderskoj dokumentaciji kao dan/datum za prijem ponuda).“

Nakon izvršenog pregleda i ocjene ponuda, Komisija za javne nabavke Općine Fojnica, imenovana Rješenjem Općinskog načelnika, broj: 02-34-96/18 od 24.01.2018. godine, dostavila je dana 06.04.2018. godine Općinskom načelniku zapisnik broj: 02-23-392-2/18, o ocjeni i pregledu ponuda sa preporukom o izboru najpovoljnijeg ponuđača ESTA doo Busovača za nabavku usluga „Održavanje i proširenje postojećeg sistema javne rasvjete sa ugradnjom na području Općine Fojnica“.

Za predmetni postupak Tenderskom dokumentacijom predviđena je E-aukcija, obzirom da je pristigla samo jedna prihvatljiva ponuda E-aukcija nije zakazivana.

Tokom donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka Općinski načelnik nije našao nepravilnosti ili propuste u radu koji bi eventualno bili razlog za neprihvatanje preporuke Komisije za javne nabavke. Naime utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

Na osnovu kriterija najniža cijena tehnički zadovoljavajuće ponude izabran je ponuđač ESTA doo Busovača sa ponuđenom cijenom od **29.151,72 KM** sa uračunatim PDV-om.

Na osnovu izloženog, a u skladu sa članom 64. stav 1. tačka b) zakona o javnim nabavka BiH riješeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi BiH putem Ugovornog organa u pisanoj formi najkasnije u roku od 5 dana od prijema ove Odluke. Naknada za žalbu je propisana članom 108. Zakona o javnim nabavkama BiH.

Žalba se podnosi u dovoljnom broju primjeraka, koji ne može biti manji od tri.

Dostaviti:

- ESTA doo Busovača
- Sector Security doo Banja Luka
- A/a

